



樊山公牘卷三

恩施樊增祥肅父

斥革武生詹炳蔚一案詳稿

西安府渭南縣為詳請褫革事。十西安府渭南縣為詳請日。據卑縣孀婦苗倪氏

以投懇查卷等情。覆控武生詹年以投懇查卷等情。覆控查卷。光緒十六年七月。

武生詹炳蔚以誘女挈物騎驢逃武生詹炳蔚以誘女挈潤於前任趙故令案下

批准緝究。旋據苗德潤以恃富誣批准緝究。旋據苗德潤十過堂。嗣據苗倪氏屢

次喊控。始於十八年十一月嚴升次喊控。始於十八年十斷不遵。蔓訟如故。卑職

到任。由苗倪氏覆懇前來。當即勒傳人証。詳細研究。除各供省繁不錄外。緣詹炳

蔚年三十三歲。渭南縣學武生。其胞孀詹劉氏夫故乏嗣。該武生一子兩桃。兩房

各娶妻室。未有子息。詹劉氏向在四川。德陽縣設立生意一座。詹炳蔚前因在家

頂觸祖母詹胡氏。被首借經理舖事為名。赴川躲避。苗德潤者。本渭南人。久在川

省幫貿詹炳蔚。因係同鄉。與之稔熟。窺其十一歲幼女。苗二女子聰俊。託媒聘為

正妻。苗德潤夫婦初以年歲懸殊未允。詹炳蔚誑稱童養。過門三年後完婚。先姓

贍付聘禮百兩。迎其岳父母同回渭南。供給三年養贍。撥地二十畝。自行耕種。苗欲豔其豪富。受其甘言。欣然許諾。詹炳蔚賺女到手。一同回渭。反眼若不相識。養其地畝。書作子虛。苗姓夫婦莫敢誰何。嗟怨而已。詎苗二女子入門。後詹炳蔚強日收房女。年幼喊拒。炳蔚遂與其妻百般凌虐。視同奴婢。因苗德潤夫婦向理。恐具控先發制人。據以誘女挈物等情。誣告到案。旋經苗德潤訴稱。自回陝後。其女受囚撻。從未見面。何從誘逃。而詹炳蔚一控之後。避不投審。反將其岳。詈辱百端。苗德潤悔怒交加。兼之衰年貧病。即於是年八月身死。苗倪氏痛夫憐女。使其夫弟苗德興。屢次呈控。趙故令卒未傳審。苗德興羈守案下。至十月亦死。詹炳蔚將人全家誘回渭南。昧食前言。益以誣控。眼見因訟。迭亡二命。稍有人心者。何以自安。乃反挾德潤夫婦控訴之嫌。益將其女凌虐洩忿。是年臘月。苗二女子亦死。此女在炳蔚詞內。指為逃妾。而苗姓訴狀。歷敘其凌虐慘毒之狀。是此女為案中要証。一旦未訊而死。自應會同娘屋報官請驗。以杜後患。而釋羣疑。此一定之理也。乃詹炳蔚並不會同娘屋。亦不稟官作主。竟自棺殮瘞埋。謂為無傷。其誰肯信。詹炳蔚因苗家迭亡三命。乃出五十金與苗倪氏私和。不問其肯息與否。竟使其黨

趙新科等。朦遽息結。十八年五月。經嚴升令批銷在卷。苗倪氏情關三命。誓不俱生。屢控特控。是年十一月。甫經初次過堂。於是構訟已三年矣。嚴升令素號寬仁。舉凡該生停妻再娶。誑娶幼女。誣告拐逃。累人訟斃。幼妻虐死。私殮私和。朦遽息結。種種罪惡。一切寬宥。但令念半子之分。於五十金之外。加給岳母銀三十兩完案。而詹炳蔚反覆吝抗。一毛不拔。以致苗倪氏迭控不休。卑職集案覆訊得實。將

詹炳蔚逐層詰責。無詞可對。惟駭汗戰慄而已。然而該武生之罪。猶不止此也。其嗣母詹劉氏。既立炳蔚為嗣。為之娶妻賈氏。川陝產業。盡歸其手。光緒十四年赴川。將德陽縣生意停歇。浪費貲財。不稟嗣母。並將舖內置買水地文約。一概霸局不捨。回陝以後。又將嗣母之銀錢衣物。任意捲挈。不服管教。不給養贍。反敢肆行毆詈。十六年八月。經其嗣母詹劉氏。以劣子逞克等情。首送於趙故令案下。詹炳蔚疑係母舅劉春隆主使。陰囑其妻賈氏。誣賴劉春隆強姦賈氏。不允。詹炳蔚遂橫施楚撻。送歸娘屋。其岳賈德春向理。復被毆辱。具控到縣。趙故令併案集訊。是年十二月過堂。質訊得實。斷令回家孝養。而詹炳蔚秋風馬耳。置若無聞。不孝嗣母如故。經詹劉氏屢次呈首。而炳蔚永不到案矣。卑職綜核兩案。詹炳蔚忤逆不

孝。奸狡克淫。為富不仁。得罪名教。倘遇漢代張敞。趙德漢其人早已立斃杖下。卑職生今之世。自慚文弱。僅於訊明後。從重戒責。據苗倪氏供稱伊女實係死於非命。懇祈檢驗。當以苗女死時。該氏並未見屍。所謂受傷者。無非揣度之詞。不能指出部位。無憑准理。况炳蔚罪誠當死。而該氏夫婦。忍心以十一歲之穉女。嫁三十餘歲。凶頑浮浪之壯男。慕勢貪財。釀成訟案。亦有應得之咎。從寬斷令詹炳蔚。再持出銀一百兩。交苗倪氏具領。以作送死養生之費。至詹劉氏。繼此不孝之子。賈氏嫁此不義之夫。均有仳離之勢。斷令詹炳蔚。即詹元利。不准與其孀承繼。所有歷年吞霸之契約財產。押令一併交出。給詹劉氏具領。別立所愛為嗣。至詹賈氏。乃詹劉氏所取之婦。今詹炳蔚既不為劉氏之子。即不當復為賈氏之夫。若賈氏自願從一而終。聽之可也。今夫妻翁壻。早已乖離。母子且猶不終。何論牀第乎。賈氏如不願嫁。准即事奉劉氏。如其願嫁。准賈德春商同劉氏。擇人另配。詹炳蔚不得阻撓。惟詹炳蔚負恃一矜。橫行無忌。若不奪其所恃。何以糾慝懲淫。旋經移學查取年貌前來。內開詹炳蔚。年三十三歲。身中瓜面。無鬚光緒十年。學憲慕取進武生一名。理合詳請褫革衣頂奉批之日。再將該革生重杖一百。枷號三箇月。以紓鬼

憤而快人心。是否有當。理合申請憲台鑒核批示。祇遵除徑詳云云。

通稟各憲

稟明李虎娃殺死彭姓工人一案現訊得實係屬子捉母姦請另詳更正由

敬稟者。准前任移交。光緒十八年九月二十三日。據縣屬憑信里鄉約李生會報。稱本月二十一日晚。民人李虎娃與工人彭姓同在馬房住宿。是夜彭姓在院內受傷身死。理合報驗等情。據此當經卑前縣嚴令書麟驗訊詳報。卑職到任。接准移交。旋奉本府轉奉臬司批據詳。疑竇滋多。查該犯李虎娃既係已死。彭姓僱主之姪。即使一炕同宿。彭姓何敢頓萌淫念。伸手摸揣。欲與雞奸。果爾則該犯憑空被辱。自應忿不可遏。何因彭姓令勿聲張。竟自隱忍睡下。是事已寢息。何以忽又頓起殺機。查彭姓身受重疊傷痕。共十餘處多。至骨損食氣。噪俱斷。似此凶狠強梁。該犯年僅十七。恐非一人所能為。案關人命。未便含混。仰西安府即飭新任渭南縣提集全案人證。悉心研訊。務得確情。按擬招解切切。又奉臬憲轉奉撫憲批查閱來詳。該犯李虎娃與僱工彭姓郭轉運同在馬房一炕睡宿。因是晚郭轉運回家。彭輒向該犯稱欲雞姦。該犯不依。彭姓屬勿聲張。隱忍各睡。是該犯未被姦污。何至頓起殺機。乘彭姓睡熟。摸取順刀。迭砍多傷。拉出房外。院中復砍致斃。又

取血被蓋於屍上。迨郭姓轉回。正該犯洗血藏刀之際。何以一聞該犯。莫管閒事之言。即行緘默同睡。移時該犯捏稱有賊。大聲喊叫。胞叔李元寬出看。其時屍身上蓋血被身受多傷。其非盜殺。不難一望而知。何至並不問明情由。即行含糊報案。查該犯年僅十七。何至下手如此凶狠。臨時移屍裝點。如此從容。所供釁起圖奸。又僅該犯一面之詞。毫無實據。案關人命。亟應澈底根究。仰按察司即飭查照。現批指示。悉心研究確情。按擬招解切切各等因。轉行到縣奉此。卑職遵即提同李生會、李元寬、郭轉運、李虎娃等。迭次研訊開導。各供堅執同前。及得諸傳聞。則謂彭姓平日與虎娃之母有姦。此次係因捉姦致斃。詢之紳耆人等。以及營廳各同寅。無不衆口一詞。但不能悉其殺人底細。卑職於下鄉之日。在於憑信鎮左近各鋪戶。微服訪詢。均稱虎娃之父年衰多病。彭姓在李家受僱四年。平日將其內東霸姦人所共曉。此次聞係虎娃撞獲起釁等語。蓋李姓雖係村農。而家聲清白。恐其家醜外揚。遂使虎娃捏稱彭姓圖姦。以為拒殺姦姦之人。即無問抵之理。此則鄉人之愚也。卑職訪詢較確。復提李虎娃再三開導。令其實說。該犯哭泣無言。嗣復屏去房差。始據李虎娃供稱。年十八歲。父親李元昌。年五十三歲。患病好幾

年。去年小的犯事後十來天父親就病故了。母親楊氏年四十一歲。叔父李元寬

同居另度。小的父母住正院。叔住旁院。後面是馬棚車房。彭姓與郭轉運同住。去

年九月二十一日二更時。父親病中想吃紅糖。其時郭轉運回家探望。彭姓正喂

牲口。母親叫小的到鎮上去買。小的因夜間害怕。母親說你把彭姓的順刀帶上。

就不怕了。那時大門已關。打從後門出去。及買糖轉回。後門還未關。聽見彭姓在

車房說話。小的在門外一看。門也沒關。燈也沒熄。他光身子。把母親揜按炕上行

姦。小的一時氣忿不過。見面他朝裏背朝外。即用手拿順刀。向他背上很砍兩下。

砍到第三下。他將身子往裏一撲。砍在他腳後跟上。他登時轉身下炕。向小的奪

刀。母親知他力大。怕小的受傷。即從後面將他攔腰抱住。死命不放。小的又用力

劈頭亂砍。他一面用手撕母親的手。一面閃側躲避。致傷他兩腮。兩耳相連。右

額頰及下脣。他掙不脫身。即用兩手將刀捉住。小的把刀往外一拉。致將他兩

手心勒破。他很命亂掙。將要掙脫。小的害怕。跑出房來。他隨即將母親打倒。跟趕

出房。被院內糞堆絆跌仆地。又掙扎坐起。小的忙用刀在他額顱左臂膊。右肩甲

上亂砍。他重復倒地。小的還怕他起來報復。又用刀在他額頰咽喉上很砍兩下。

彥投稱十七日早起赴井汲水。看見井內有無名男子屍身一軀。不知何時被何人因何人致死等語。往看屬實。不敢擅自打撈。合報驗緝。並據井主尹明彥報同前由各等情。據此查該處距縣城十五里。旋於十九日。輕騎減從帶領刑忤馳詣該處。即據約役稟報獲犯前來。先是該村有馬城廟一座。向無住持。本月初間有男子三人。領一婦人。兩小兒住宿廟內。至初七八忽然走去。移至距村數里之牡丹池廟內住宿。男子三人。僅剩一人。村眾正疑訝。間適有人在馬神廟後犁地耕出血衣一捲。而尹明玉井中。又適有棄屍。因至馬神廟。啓門看視牆根地上。均有血迹。當由鄉約投同捕役於十八日夜間潛赴牡丹池掩捕。計緝獲男子一名。張春義。婦人劉王氏。併子劉雙喜同行。幼子姜天喜。共四人。其劉王氏之夫劉宏斌向係醫生。適於是日赴蒼頭鎮看病未回。當將男婦隔別拘押。先勘得龍背尹家村。南半里許。有尹彥明菜地一段。中有水井一眼。量井口圍圓一丈二尺。井口至水面二丈四尺。水深五尺。水上漂浮男子一軀。項纏敗棉絮。合面卧水。並無衣履。又勘得井西半里許。有坐東向西馬神廟一座。廟外廟內地上。及北邊牆根。均有血迹。又有鄉約呈出血衣一捲。捕役穆魁在張春義包裹內搜出尖刀一口。刃上

斌當初與小的一同當勇。是小的把兄。六月念五日。他領著嫂姪游鄉行醫。也到赤水地方。彼此相遇。劉哥要到渭南。小的想跟他學醫。遂令姜金林挑擔。先到陳家村。住了幾天。七月初三。搬到龍背馬神廟。小的屢向金林要錢。他初時推緩。後來又說賣了兒子還錢。初五日。小的又向要討。金姜林不但不還。反說小的該他的錢。因此犯言撕扭。經衆勸散。小的因見天喜伶俐。可以多賣錢文。又因他反賴小的該錢的話。一時氣忿。想把他殺害。賣他幼子得錢。劉哥平日是老好人。小的也不怕他。也不曾告訴他。是夜姜金林父子。及劉哥俱已先睡。劉嫂母子在門外樹下睡。二更以後。小的乘姜金林睡熟。暗取切菜尖刀。在他咽喉上很抹一下。姜金林不及聲喊。登時身死。劉哥醒來。查知埋怨小的。央他勿言。悄地將屍背棄廟東井內。將血衣埋在廟後。希圖滅迹。不料被井主報蒙驗緝。就被公差拏獲送案的。今蒙審訊。實因索欠挾忿。起意圖子。圖財害命。棄屍滅迹。此外再無起衅別故。也沒同謀加功的人。這幾天因故市鎮。有人要賣天喜。議價未成。是以在牡丹池未走。凶刀已蒙起獲。是實求恩典等供。質之屍子姜天喜。同行人劉王氏。供俱相符。除將犯收禁。再行研訊確情。填格錄供。取結詳報。併飭緝劉宏斌到案質究外。

理。迨至今正十五日。該教士自將二賊捉獲。又延不即送。直至二月初八日。始行函請究問。是從來事主報案送賊。未有如該洋人之疏慢者。況該堂兩次被竊。一在教堂。一在書館。前案贓多。後案贓少。該洋人已自言矣。此次送來燈節捉獲之人。未必即係去冬入室之盜。既係登時捉獲。則未竊物可知。該二賊堅不肯承。只好另緝正賊。此即該天主堂兩次報竊之實情也。今年三月十一日。由高陵林教士移送匿名歌詞一紙。謂係渭民李發財。張明揚所為。請為究辦。卑職察其原詞。內云吃齋念佛。入了邪教。又云弟子幾姐。願入佛教。又有七言詩云。一人佛教便失身。是其詞專指佞佛而言。實與天主教無干。必知為本地教民挾嫌唆使。遂未深究。忽於五月十九日。洋人穆思禮。挾一鄆縣通師求見。見面即問盜案如何。卑職

職答以此前任之事。現已耽延數月。惟當飭差緝緝。伊又問揭帖事如何。卑職因

洋人不甚懂話。即向鄆人云。爾既在教堂多年。此等事當開導。洋人勿害同鄉百姓。此詩詆毀佛教。與天主何干。爾教主何必使官府作難。替和尚出氣。至於教堂失竊。遲延一月始報。後來捉獲賊人。又遲廿餘日始送。已屬無此辦法。而且賊人到堂。毫無質証。爾試設身處地。能究問否。能追贓否。鄆人惶懼無詞。但促穆思禮

竟有無符冒充者。近有郭克明控其族兄克謀一案。緣克明與已故之郭克勤係屬嫡堂兄弟。向未分居。克勤在湖北沙市貿易。積有八百金。存放生息。又有祖遺地六十畝。莊基三間半。克明自幼出繼。二門堂叔為嗣。亦有田二十餘畝。莊房數間。雖為人後。仍與克勤同度無異。去秋克勤臨終。將妻子託克照管。詎遠房族人郭克謀窺克勤已死。妻孀子幼。唆令克勤之妻郭邱氏與克明吵鬧分家。始而克明不忍。繼而屢次打鬧。情願分析。則又令其嫂賴稱上輩業已分家。分關年久失遺。克明既有二門之業。不得再分財產。以致克明控案。訊據兩造。及中管郭居齡供詞無異。查克明出嗣二門。其本生父不應無後。克明現有二子。應以次子繼其本宗。即應平分本宗之產。惟查沙市所存八百金。係克勤一手所爭。應提歸郭邱氏母子承受。其祖遺田產。令克明次子平分一半。以孫禰祖。兩造允服。而郭克謀堅謂上輩業已分析。不應二次再分。詰以上輩既分。何以數十年來。克勤克明依然同爨。該民信口妄言。滿口職員父台。叫踣不已。當詰以係何官職。則稱從九。問其何年在何處報捐。茫然莫對。又問執照何在。則稱捆亂失遺。似此假冒職官。唆孀蔓訟。實堪痛惡。當由卑職答責管押。令兩造具結完案。查該民不過么麼蟲豸。

來縣回明派差傳喚乃該勇丁並不來縣稟明徑向趙玉祥索要鄉地口角以致毆受傷痕而該勇丁反捏以失沒銀兩馬匹各情將趙玉祥喊案殊屬胆大妄為查去年西路電杆釀成鉅案今茲飭民防護凡電杆栽於何人地內即成責何人看管本非百姓所願不過秦民畏法不敢不遵而貴局勇丁猶復任意凌折擅自呼喚捏情誣訛萬一激成事端誰執其咎吳連升訊係保定府人業已遞解回籍嚴加管束緣與貴局相契有素未便稟知各上台以後貴局如有交涉地方需用官人助理之事務祈移縣派役協同傳喚以免貽誤為此合移貴局請煩查照施行。

孀婦張溫氏上控詹元孝等一案詳稿

渭南縣為詳請銷案事。准前任移交光緒十八年十二月初二日奉憲台批。據卑縣孀婦張溫氏以差毆斃命等情。上控詹元孝等一案。除原詞隨詳申繳不錄外。奉批氏子張希真與詹李氏是何親戚。如僅為其作抱鳴冤。何致遽被詹元孝等串差毆逼中途斃命。究在何處地方。其捏報投水身死。曾否報縣相驗。來詞異常鶻突。恐有捏飾別故。惟控關賄差毆斃。匿屍虛實。均應澈究。仰渭南縣立即查傳

具結完案。而希貞回家後。捐留妻妹如故。又因李來寬不肯幫伊作證。另赴澄城。搬李氏之戚郭九賢來渭幫訟。七月十九日。郭九賢。馬春林等。復領同李氏來縣。尋詹元孝罵鬧。經元孝以違斷抗交。唆孀滋鬧等情。覆控到縣。由嚴令覆傳訊究。八月初五日。票差吳經。姚德。將張希貞喚案。行至酒河渡口。大雨如注。河水漲發。希貞爭先上船。不意坡陡泥滑。失足落水。復值河流迅急。撈救無從。此亦可謂天報淫人。死無葬地者也。然希貞淫惡。尚不至霸留孀姨一事。當其再赴澄城。搬郭九賢也。路過李來寬之門。來寬在渭未歸。家留十五歲之女。十歲姪孫。希貞託為探望。欺其女弱孫幼。遽向調戲。女不從。即詭稱來寬在渭被押。永無歸日等語。李女驚愧交迫。遽投水瓮畢命。比來寬回家。向姪孫詢明。來渭呈控。而希貞死矣。希貞既死。其母溫氏。堂弟希和。遂捏以差毆斃命各情。屢控不已。其實失足落水。有酒河水夫王興義報呈為憑。復經嚴令一再研訊。死由自墮。與人無尤。卑職到任後。據張希和於去年二月廿五日。呈催前來。當經詳細批斥。該民見批詞嚴厲。洞見此案癥結。一去無踪。迄今一年有餘。抗傳不到。應即照例詳銷。差役吳金。姚德。水夫王興義。已經嚴令責革。元孝元忠。本無不合。自希和上控後。元孝外貿不歸。

無端訛賴究竟該勇是否憲台親兵信函內有無匯票無從查考伊持一不作別用之名片即如此凶惡萬一真奉憲台公文又將如何卑職忝為官長伊竟敢如此欺凌設遇平民百姓又當如何似此假託親兵詐索驛馬鞭打驛卒抽刀擊案恫喝地方官不惟於卑職顏面有傷亦於憲台聲名有礙萬一卑職隱忍敷衍若輩心胆日益驕大所到之處勢必更起風波是卑職蹈細人姑息之譏轉負憲台國士相知之意查本年六有偽造月糧署牌票到卑職縣提差者卑職曾將來役申解糧憲請加酌辦不發通稟以期易於收拾今日所遇事一同律除由卑職責懲外理合申解憲台查明辦理為此具申伏乞照驗施行。

### 詳學憲

西安府渭南縣為詳請立案事竊查光緒十六年五月蒲城縣武生張定以恃矜毆師等情具控卑職縣武生焦振清於前憲轅下當發卑職縣學官查覆原控稱焦振清拜門學藝借刀不還該學官等遵即查看縣考親填名冊內開焦振清年二十四歲業師劉建威並無張定之名旋據建威振清分別投訴前來該學屢傳質審而張定故避數月不到經張劉兩學官以並非師生亦無借刀情事詳奉前學憲

是以卑職諭令焦兆鯤念其曾為一日之師。此時功名已革。猶為一刀之故。不得回籍。勿論此刀是借是賣。還伊了事。兆鯤遵即將刀送縣。由卑職飭令迅速領回。詎張定狡詐百端。得步進步。忽又控稱師生既實。借刀還刀。又實是學官原詳為陷害。而該民被革為甚冤。呈請雪冤開復前來。卑職實不勝其忿。查張定當日誣告焦振清。並未提及焦兆鯤一字。學官原詳稱無師生名分。亦無借刀情事。係專指振清。而並非指兆鯤而言。言今兆鯤認係師生與振清何涉。刀由兆鯤繳案。更與振清何干。是益彰其前控之誣。豈得影射牽混。為開復之地。當經卑職嚴加駁斥。惟張定既如此刁猾無恥。難保不再赴憲轅肆其講張。應將前後案情詳明立案。如其再敢上控。即請押發下縣。照例坐誣。以安良善。而儆刁風。實為公便。為此具申。伏乞照詳立案施行。

### 義倉出易稟

敬稟者。竊惟義倉之設。本以備荒。從來荒政無善策。而荒政多流弊。然未有如渭南之甚者。溯查光緒七年。卑前縣余故令任內。奉檄勸捐。前後寫捐至四萬九千餘石。關中大邑。臨渭並稱。而渭之捐數。竟加多臨潼一倍。此由前令一味貪多。不

僉云欠戶按籍可稽。尚不至於無著。又問今年能收回否。則稱今年兩季歉收。實難追交等語。卑職切責云。所以捐置義倉者。原為荒旱如今年者也。若樂歲狼戾。

雖能持出何益。若待哺之時。不獲一朝之用。又焉用此義倉為乎。則皆引咎不遑。

惟祈寬緩。幸而本年秋雨霑足。麥根堅好。所有三萬餘石之欠款。惟有仰乞憲恩。

寬至明年麥後。由卑職續陸迫交。期於足額而止。惟已壞之糧。現存倉底。若不掃

數出易。將來收糧時。以新壓陳。以好加壞。勢必併為蟲蠹所傷。甚不可也。卑職現

擬徧諭九倉紳庶人等。候明春青黃不接之時。將所有陳糧儘數出易。以便另收

新糧。惟查此項壞糧。始則竭脂膏而納之倉。繼則出朽蠹而強之食。吸故吐新。不

啻自焚自寇。蘇詩云。有如黃河魚。出膏以自煮。即倉糧出易之謂矣。卑職擬更乞

憲恩於出易章程。量加通變。略仿左氏所云。公量貸而家量收之法。以市斗出。以

倉斗收。庶幾百姓如痛之中。仍拜仁人之賜。惟查本年歲事。河南河北。判若天淵。

現據渭北紳士曹李鳳等。以界連蒲富。各里麥穀歉收。懇請振濟。前來卑職細加

查核。艱鮮情形。實屬可憫。擬請將河北各倉現存霉變之糧。作為半借半賑。每出

放一斗。令其以五升還倉。至河南各倉。霉變雖同。而民力較厚。應令每斗交還七